

Universi poetik i Vera Istrefit



Vera Istrefi: Shiu i fundit



Vera Istrefi

* * *

Shiu i fundit

*Ka ardhë pranvera
Do vesh fustanin e zi
do të vij të çoshja e zakonshme
ku dhe pema përballë lëkundet.*

Mos ke frikë.

*Me të dalë dielli
fustani do të shndrisë
e gjethet e pemës
s'do të dridhen*

2

*Shiu i fundit
m'i ka lagur flokët*

*Koka më është rënduar
Mbetem në vend
Koha është duke vrapuar*

3

*Koha
në rrugën e saj më hedh
me vizionin e vdekjes së afërt
në ecje*

4

*Mbrëmja
e veshur me mantelin e padukshëm
hesht mbi rrugë
Unë
rënduar nga heshtja
eci
Marr me vete copa betoni
që s'më lënë të qetë
për asnjë çast
Shpirti s'njeh kufij kohore
prej mbrëmjeje
Kufij tokësorë prej betoni
Ndaj*

fluturon e s'di ku shkon...

5

*Sytë,
vetëm syve ua kam frikën
e s'mund ta fsheh vetveten*

6

*Mua, virgjëreshës
po më pikojnë gjinjtë
Në mungesë të foshnjes
nuk e di ç'dua*

7

*Qirinjtë e gëzimit po shuhen
Të urrej,
pse të dua marrëzisht
pse më mbyt tinëzisht
me pabesinë tënde*

8

*Ritual
Në mëngjes:
një kafe
Në mbrëmje:
një kafe
Kafeja greke
e vetme me bollëk
në qytetin tonë*

9

*E ruaj puthjen tënde
në anën e majtë të qafës
Ky nishan i zi
më kujton*

të bardhën puthje

10

*Në të vetmin çast
më erdhën në mendje dy vizione:
i dashurisë dhe i vdekjes*

11

*Nëse s'të takoj
do të pres në botën tjetër
S'do të trembem nga erë e vdekjes
Nëse s'të takoj as atje
vetëm atëherë
mendo se kam vdekur*

12

*Shi malli kam në shpirt
Shpirtin e grisur bart
Plagë të padëshirueshme*

13

*Sot
edhe zogjtë fluturojnë hutueshëm*

14

*Eci poshtë zogjve
përkrah njerëzve*

15

*Jam e vdekur në këtë mjedis
ndjej
kur jam e vdekur*

16

Paskam bërë mbi letër

*njolla të pakuptimta
Njolla-lot mendimesh*

17

*Do të jepem e tëra
me po atë forcë
me të ciën s'do të të jepesha kurrë*

18

*Të isha pikëz shiu
të lag pak tokë
vetëm toka të mos më lagë
të shembej diçka nga unë mbi botë*

19

*Gur varri të të bëhem
lermë të bëhem për ty*

20

*Sytë e tu lodrojnë mbi gjinjtë e mi
Sytë e mi pështirosin sytë e tu*

21

*Zvarrë paske tërhequr këmbët
Gjer në sosje të kockës
Thërrimet e kockave
Ende s'i di ku kanë mbetur*

23

*Të kam borxh
-puthje
-pritje
-ëndërr
-dhimbje
-dashuri*

*Sa jetë kam unë?
E tëra po të jepem!*

24

*Të përbuza
jo për të thënat...
Për të pashprehurat*

25

*Më merr
paimagjinueshëm diçka
Vështirë e kam t'i vë emër
Duke imituar të tjerët
them
më merr malli për ty*

26

*Ngado më ke ndjekur
shpirtin ma copëtove
hije e mjerimit*

27

*M'i ke lënë buzët në gjysmëputhje
e mua
Më ke lënë
gjysmëvdekur*

28

*Nuk pres
Vetëm të lind
Të vuaj
Të vdes*

29

për ty s'dua të jem

*Lady Makbeth
Megjithatë
e çmendur jam
se dyluftoj me veten
e shpirtin e zbeh*

30

*E përditshme
Çdo ditë gënjej veten
Me vezullimë
Që shkëlqejnë gënjeshtërt*

31

*Nën jorganin e qefinjtë
mbarset koha me shpresën e ngrohtë
Do ta festoj pranverën që vjen*

32

*Cilëve tu jap të drejtë:
Të penduarve-vdekur
Të gjallëve-marrosur...*

33

*Miza lodron mbi pjatat e palara
Unë
qaj për shpirtrat e pashpirt*

34

*Në sallonin
e vetvetes time
mbeta thjesht
shërbëtore e huaj*

35

Kam ecje të trishtë

*Thonë e kam natyrën kështu
Vetë...s'di ç'të them*

36

*Më parë
s'mendoja për krisma qelqurinash
e buzëqeshje të shtirura
Sot
nuk e di ç'kam
Grindem dhe me veten
Vetëgrindja
i vetmi rrafsh pasqyrimi
për mua*

37

*Asgjë s'u dëgjua sonte
Veç një përplasje gotash*

38

*Diçka
të papërsëritshme pati e djeshmja
të paqenë tek e sotmja
Jam në mjegull
Vërtet jam ajo që isha dje
apo linda sot
bashkë me ëdrrën e së djeshmes?!*

39

*Thonë:
Në fytyrën e të vdekurit
lexon lamtumirën
Këtë gjë
e lexoj
në fytyrën e të gjallëve
si e vetmja gjë që i lidh njerëzit*

40

*Më ndjekin sytë hirtë
Unë i shmang
Veç me sytë e mendjes
i vërej sytë e hirtë*

41

*Vrapoj drejt lindjes
Nxitoj drejt vdekjes
Si qenie mitologjike
Mbi shpinën e fatit*

42

*Lulëmirës
-Vogëlushes së Kosovës që erdhi në
Kukës në ditët e dyndjes tragjike-*

Lulëmirë

*Nuk t'i shoh sytë
Veç copëzat e tyre
Si copëza kristali
22 maj 1999*

43

*Pranvera nuk filloi
As nga qielli
As nga toka
2 prill 1999*

44

*Vetmia
në gjysmëdremitje
Lodron para syve të mi
Poezia*

45

*Femrat në sy kanë lot
Loti për mua është luks*

46

*Vitet kalojnë e plaken ngadalë
Mbaron pritja...*

47

*Çarçafi i zhubrosur
provë fajësie
e paqfajësie njëkohësisht
Këputja jonë
prehet mbi te...*

48

*Zakon i hershëm
Më tërheqin vëmendjen
për thembrat e këpucëve
Rruga ime...
s'mund të eci ndryshe mbi ty*

49

*Bëni kujdes me mua
Një fill kam mes dashurisë e urrejtjes*

50

*Ti flet
Unë shoh të kuqin e buzëve të mia
Përgjatë buzëve të gotës*

51

*Llaku i rënë nga thonjtë
më trishton*

Si ëndrra ime

52

*Nën qepallat e mi atë përlotura
të zvarris
e s'ngopem së të ndëshkuari*

53

*Në mbrëmjen e vallëzimit
vathi më mungon
humbur në përqaqim*